




## INFORME TÉCNICO

Expediente: 773 / 20  
Asunto: Aproveitamento madeirable. Tala.  
Situación: Monte Capelada e Couce.  
Concello: Cedeira

### Afectación ao patrimonio cultural:

As actuacións sitúanse sobre a protección integral e no contorno de protección dos seguintes bens identificados no catálogo do PXOU coa referencia:

- GA15022017, Mámoa de Pedra Chantada 1.
- GA15022016, Mámoa de Pedra Chantada 2.
- GA15022018, Mámoa de Pedra Chantada 3
- GA15022028, Mámoa do Coteliño 1.
- GA15022007, Mámoa do Coteliño 2
- GA15022022, Mámoa de Cova Oscura 1.
- GA15022031, Mámoa de Cova Oscura 2



De acordo co disposto nos artigos 8 e 30 da Lei 5/2016, do 4 de maio, do patrimonio cultural de Galicia, os bens, que polo seu interese cultural están recollidos individualmente nun instrumento do planeamento urbanístico, teñen a consideración de bens catalogados.

Ao afectar a intervención a bens catalogados, segundo o artigo 39 e conforme co 45 da Lei 5/2016, do 4 de maio, do patrimonio cultural de Galicia, precisa de autorización previa da consellería con competencias en patrimonio cultural.

### Antecedentes e feitos:

A solicitude de autorización, enviada polo servizo de Montes de A Coruña, ten entrada no Rexistro Xeral da Xunta de Galicia o día 07.04.2020 (2020 / 413791)

As obras que se pretenden executar veñen definidas na seguinte nun escrito de Solicitude de informe sobre un alleamento dun lote de madeira no monte Capelada e Couce (lote 012/20), folia de proposta de alleamento, asinado polo xefe do servizo Santiago Barros Fernández, o 07.04.2020.

### Descrición e análise da proposta:

Os traballos silvícolas solicitados non se encontran adecuadamente definidos e unicamente se pode deducir da folia de proposta, que se trata de unha corta de obrigado cumprimento.

Porén sempre que os traballos solicitados sexan os de corta, infórmase favorablemente, non obstante a utilización de maquinaria para o transporte e demais traballos, poden chegar a causar algunha alteración sobre os mesmos ao ser feitos sobre o a Área de Protección integral e no contorno de protección dos bens arqueolóxicos. Por elo, faise necesario establecer unha serie de cautelas.

Atendendo a todo o anterior, **infórmase favorablemente a solicitude coas condicións seguintes:**

- 1) Antes do inicio dos traballos solicitados, ou de calquera actividade non arqueolóxica relacionada con eles, **un arqueólogo** localizará e identificará sobre o terreo, e na área de traballo, os xacementos e bens afectados
  - 2) A totalidade das mámoas, serán balizados para a súa protección a unha distancia mínima de 7/10 metros desde a periferia das laxes e afloramentos sobre os que se sitúe. O balizado deberá ser feito por un arqueólogo e a superficie comprendida dentro do seu perímetro terá a consideración de **ámbito de protección integral (API)**. Todos os traballos nestes ámbitos realizaranse baixo a supervisión do arqueólogo.
- Dentro do API non poderá circular maquinaria nin vehículos de ningún tipo nin tampouco se poderán almacenar ou depositar materiais de calquera clase.
  - Os ámbitos de protección integral deberán quedar libres de vexetación, tanto arbustiva como de mato, manténdose así no futuro. E deles non se poderán arrancar as cachopas ou raíces resultantes da corta nin realizar ningunha outra remoción de terras, aínda que sexa superficial
  - As árbores serán cortadas polo pé e os arbustos de xeito manual, non permitíndose o uso de maquinaria pesada.



- Nestas áreas balizadas non se farán moreas de biomasa ou de restos de poda. Non se permitirá o paso das maquinas nestes ámbitos.
  - Non se realizarán apertura de novos accesos, pistas ou outro tipo de actividades complementarias que poidan alterar o substrato ou as estruturas arqueolóxicas, nin o cruceiro. Empregaranse as pistas existentes, sen modificar o seu ancho, trazado nin rasante.
- 3) **Unha vez rematados os traballos silvícolas, deberá ser presentada neste servizo de patrimonio cultural unha memoria**, redactada por arqueólogo, na que se verifique documentalmente o proceso seguido e o cumprimento das presentes condicións.

A Coruña, 14 de maio de 2020

A arqueóloga do Servizo de Xestión Cultural

M<sup>a</sup> del Carmen Mariño Domínguez

